

Ang kalatas at impormasyong ito ay binuo at inilimbag ng Guinayangan Water District (GWD) - Gender and Development (GAD) Focal Point System bilang pakikiisa sa pagdiriwang ng National Women's Month ngayong taong 2025.

### GWD – GAD Focal Point System

reorganized under Memorandum Order No. 06-2025  
created/established under BOD Resolution No. 013-2017 dated February 9, 2017

**GFPS Chairperson**- Head of Agency/General Manager - Carmelo Alejandro C. Pujalte

#### Executive Committee (ExeCom):

|             |                             |                            |
|-------------|-----------------------------|----------------------------|
| Chairperson | - BOD Member – Women Sector | - Purificacion G. Segueria |
| Members:    | - BOD Chairperson           | - Corazon R. Marjes        |
|             | - BOD Vice Chairperson      | - Ma. Raisa B. Macalintal  |
|             | - BOD Member                | - Veneranda M. Montalbo    |
|             | - BOD Member                | - Reynaldo B. Asuncion     |
| Secretariat | - Secretary to the Board    | - Andrea M. Alcantara      |

#### Technical Working Group (TWG):

|                    |                                   |                                 |
|--------------------|-----------------------------------|---------------------------------|
| Chairperson        | - HR/Admin. Services Asst. A      | - Rikka May I. Manalo           |
| Members:           | - Division/Section Head – AFCS    | - Sherlyn S. Vasquez            |
|                    | - OIC Division/Section Head – OMS | - Ariel Q. Privado              |
| Alternate Members: | - AFCS – Customer Service Asst. D | - Benedict Y. Lom Marquez       |
|                    | - OMS – Engineer B                | - Renz Ray Albert L. Porlay     |
| Secretariat        | - Administrative Services Aide    | - Armelle Krizaldys B. Espinola |




1987 – 2025

Guinayangan Water District  
joins the nation in celebrating  
**National Women's Month 2025**  
March 1 – 31, 2025



# Magna Karta ng Kababaihan


**R.A. 9710**



## BAWAT PATAK NG TUBIG AY MAHALAGA, HUWAG MAG-AKSAYA

Nasa panahon na po tayo ng tag-init at ipinananawagan po namin ang pagtitipid ng tubig sapagkat unti-unti na namang mararanasan at mapapansin ang paghina ng reserba ng tubig sa ating mga pinagkukuhaang bukal kaalinsabay ng pagdalang ng pagpatak ng ulan, kung kaya't humihina na din ang daloy nito papunta sa ating mga kabahayan at muli'y maaring magdulot ng paglimita sa pagdaloy nito sa ilang oras lamang.

**ISABUHAY ANG RESPONSABLENG PAGGAMIT NG TUBIG!!**



## PASIMULA

Ang pagdiriwang ng **Pambansang Buwan ng Kababaihan** tuwing Marso ay bahagi ng paggunita sa Pandaigdigang Araw ng Kababaihan na ipinagdiriwang tuwing Ika-8 ng Marso bawat taon.

Sa Pilipinas, ang pantaunang pagdiriwang na ito ay legal nababatay sa mga itinatadhana ng mga sumusunod na batas:

**Proklamasyon Blg. 224 (t. 1988)** – nagtatakda sa Unang Linggo ng Buwan ng Marso bawat taon bilang Linggo ng mga Kababaihan at ang ika-8 araw ng Marso bilang Pandaigdigang Araw ng Kapayapaan at Karapatan ng Kababaihan.

**Proklamasyon Blg. 227 (t. 1988)** – nagtatadhana sa Buwan ng Marso bilang Buwan ng paggunita sa ginampanan ng mga Kababaihan sa Kasaysayan

**Batas Republika Blg. 6949 (t. 1990)** – nagtatakda sa ika-8 araw ng Marso bilang Pambansang Araw ng mga Kababaihan

## SINO-SINO ANG RESPONSABLE SA PAGPAPATUPAD NG MAGNA KARTA NG KABABAIHAN?

Ang Estado, pribadong sektor, lipunan sa kabuohan, at lahat ng indibidwal ay makatutulong sa pagkilala, paggalang at pagtataguyod sa mga karapatan ng kababaihan na nakasaad at ginagarantiyahan ng Magna Karta ng Kababaihan. Ang pamahalaan ng Pilipinas ang pangunahing tagapagpatupad ng nasabing batas. Inaatasan din ito na itigil ang diskriminasyon laban sa kababaihan at paglabag sa kanilang mga karapatan; ipagtanggol ang kababaihan laban sa diskriminasyon at paglabag ng mga pribadong korporasyon, entidad, at mga indibidwal sa kanilang mga Karapatan; at itaguyod at tuparin ang mga Karapatan ng kababaihan sa lahat ng aspekto, kabilang ang kanilang karapatan sa makabuluhang pagkakapantay-pantay at walang diskriminasyon. Tutuparin ng Pamahalaan ang mga tungkuling ito sa pamamagitan ng paglikha at pagpapatupad ng mga batas, patakaran, regulasyon, alituntuning administratibo, at iba pang naaayong pamamaraan, kabilang ang mga pansamantalang hakbang. Magtatatag din ito ng mga mekanismo upang palaganapin ang malinaw at magkakauugnay na pagsasakatuparan ng Magna Karta ng Kababaihan at iba pang katulad na batas at patakaran upang tuluyang matigil ang diskriminasyon laban sa kababaihang Filipino.

Ang Guinayangan Water District (GWD) ay lubusang nakikiisa sa pagpapatupad ng Magna Karta ng Kababaihan ito lalo't higit ay sa palagiang pagdiriwang ng Buwan ng Kababaihan sang-ayon na rin sa itinatadhana ng Batas at mga Alituntunin. Ang makapaghatid ng mga impormasyon hinggil sa karapatang pangkababaihan ayon sa itinatadhana sa "*Magna Carta of Women*" ay isa sa mga gawaing nakahanay sa pagdiriwang ng oksiyong ito. Ninanais ng GWD na maihatid sa kaalaman ng mga nasasakupan ng serbisyo nito na kilalanin, igalang at ipaglaban ang mga karapatang pangkababaihan at pagkakapantay-pantay para sa maayos nilang pamumuhay saanmang lugar.

## MAGNA CARTA OF WOMEN (RA 9710)

Kinikilala, iginagalang at itinataguyod ng Magna Carta ang lahat ng karapatang pangkababaihan – panlipunan, pang-ekonomiya, pulitikal, kultural at sibil – sang-ayon sa Konstitusyon ng Pilipinas at iba pang mga batas at instrumentong nangangalaga sa kapakanan ng bawat mamamayan. Kabilang dito ang mga sumusunod:

- ✓ proteksiyon laban sa lahat ng uri at anyo ng pang-aabuso at karahasang pisikal, sekswal, emosyonal, at mental kabilang ang pananakot, pambubugbog, panggagahasa, prostitusyon, "human trafficking" at gayundin sa mga karahasang nagagawa ng Estado
- ✓ proteksiyon lalo't higit sa panahon ng sakuna, kalamidad, at anumang uri ng krisis
- ✓ pantay na representasyon at partisipasyon sa pulitika at pamamahala
- ✓ pantay na pagturing ng batas
- ✓ pantay na pagkakataong magkamit ng edukasyon, iskolarship at pagsasanay
- ✓ pantay na partisipasyon at representasyon sa larangang pampalakasan
- ✓ walang pagturing ng anumang diskriminasyon sa pagpasok sa ahensiya ng militar, pulisya at iba pang katulad nitong mga serbisyo
- ✓ walang pagdiskrimina at mapanirang paglalarawan sa mga kababaihan sa lahat ng uri ng "media" at pelikula bagkus ay pagpapalaganap sa kamalayan ng madla ang pagkilala sa dignidad ng kababaihan at sa makabuluhang gampanin nila sa pamilya at komunidad
- ✓ komprehensibong serbisyonang pangkalusugan
- ✓ benepisyo ng dalawang (2) buwan na pamamahinga sa trabaho ng may bayad para sa lahat ng kababaihang dumaan sa operasyon sanhi ng mga ginekologikong karamdaman
- ✓ pantay na karapatan sa anumang bagay na may kaugnayan sa pakikipagrelasyong pang mag-asawa at pampamilya

Ang "*Magna Carta of Women*" ay gumagarantiya din sa lahat ng karapatang sibil, pulitikal at pang-ekonomiya ng lahat ng kababaihang nabibilang sa "*marginalized sector*" partikular ang kanilang karapatan sa:

- ✓ kasiguruhan sa pagkain at sa produksiyon nito
- ✓ pantay na karapatan sa pagpapatitulo ng lupa at sa pagtanggap ng kasunduan sa pamamahala at patente
- ✓ magkaroon ng "access" sa ligtas at abot-kayang pabahay sa sariling lugar
- ✓ magkaroon ng hanapbuhay, gawaing pangkabuhayan at "access" sa pautang at kapital
- ✓ representasyon at partisipasyon sa mga lupon na gumagawa ng polisiya at pagdedesisyon maging sa lokal, rehiyonal, nasyonal o internasyonal man
- ✓ Access sa impormasyon hinggil sa mga programa, proyekto at polisiyang pangkababaihan
- ✓ proteksiyonang panlipunan
- ✓ pagkilala at pagpapanatili sa kultural na pagkakakilanlan at integredad
- ✓ pakikisangkot sa diskusyon hinggil sa kapayapaan at kaunlaran
- ✓ serbisyo para sa kababaihang nasa mahirap at espesyal na kalalagayan
- ✓ proteksiyon para sa kabataang babae laban sa anumang uri ng diskriminasyon sa pag-aaral, kalusugan, nutrisyon at pagpapaulad ng kakayahan
- ✓ proteksiyon para sa mga nakatatandang kababaihan

Responsibilidad ng Pamahalaan na sugpuin ang pang-aabuso at karahasan na dinaranas ng maraming kababaihan, gumawa ng mga nararapat na hakbang upang maiwasan ang lahat ng ito, tulungan ang mga biktima tungo sa kanilang paggaling (ng katawang pisikal at ng kalooban) at sa pagkakamit ng mabilis na hustisya.